

10/12/2001

PM yakin pengalaman lahirkan pemimpin insaf

Maizura Ismail

SEPANG, Ahad - Datuk Seri Dr Mahathir Mohamad percaya pengalaman melihat sendiri kesengsaraan hidup rakyat Afghanistan oleh ahli Pergerakan Pemuda Umno yang menyertai pasukan Tabung Ehsan Pelarian Afghanistan, akan membantu melahirkan pemimpin yang lebih bersyukur dan insaf.

Perdana Menteri yakin pengalaman melihat penderitaan hidup rakyat di negara sendiri akibat peperangan akan melahirkan generasi muda yang sedar dan menjadi pemimpin yang lebih baik untuk negara.

"Inilah kerja kebajikan yang patut dibuat oleh rakyat Malaysia. Pada hari raya kita akan raya, tapi di Afghanistan mereka tidak cukup makan dan saya dengar suhunya turun hingga negatif 10 darjah selsius.

"Kita juga dapat melihat kehidupan yang sengsara yang tidak pernah kita lihat selama ini dan kita harap akan menyedarkan kita," katanya kepada pemberita sebelum menghantar pasukan kedua Tabung Ehsan Pelarian Afghanistan (Tabung Ehsan) ke Pakistan di Lapangan Terbang Antarabangsa Kuala Lumpur di sini, malam ini.

Pasukan terdiri daripada empat doktor, empat paramedik dan lapan sukarelawan itu diketuai Penolong Setiausaha Pemuda Umno, Zulkifli Alwi, dijangka berada di Chaman, Pakistan, selama sebulan selain menyambut Aidilfitri dan Krismas di sana.

(END)